



Verwysing: 20210922-6134
Lêernommer: 13/25/2
Navrae: C Klopper

Assesseringsbestuursminuut: 0018/2021

Aan: Adjunk-direkteurs-generaal, Hoofdirekteure, Direkteure, Hoofonderwyskundiges, Hoofde: Kurrikulumondersteuning, Kringbestuurders, Hoofde: Bestuur en Beheer, Adjunk-hoofonderwyskundiges, Assesserings- en Eksamenkoördineerders, Vakadviseurs en Hoofde van alle opvoedkundige inrigtings wat kandidate vir die Nasionale Senior Sertifikaat-eksamen voorberei

Onderwerp: Deelname aan die ondertekening van 'n belofte en verbintenisooreenkoms betreffende die skryf van die 2021 Nasionale Senior Sertifikaat-eksamen

1. Die Nasionale Senior Sertifikaat (NSS)-eksamen word ingevolge die *Regulasies betreffende die afneem, administrasie en bestuur van assessering vir die Nasionale Senior Sertifikaat-eksamen (gewysig)*, soos gepubliseer in *Staatskoerant* Nr. 31337 van 29 Augustus 2008, geadministreer en afgeneem, wat van toepassing is op openbare en onafhanklike assesseringliggame wat die Nasionale Kurrikulumverklaring, graad R tot 12 assesseer en eksamineer.
2. Enige afwyking of oortreding van die regulasies deur 'n kandidaat wat vir die NSS-eksamen ingeskryf is, kan daartoe lei dat hul eksamenuitslae nietig verklaar word. Dit is dus noodsaaklik dat alle kandidate hierdie reëls en regulasies ken.
3. Die Departement van Basiese Onderwys het versoek dat kandidate wat geregistreer is om die NSS-eksamen te skryf, 'n **verbintenisooreenkoms** en 'n **belofte** onderteken om die gedragskode van die eksamen te gehoorsaam.
4. Die verbintenisooreenkoms bied 'n gedetailleerde lys van die hoofreëls en regulasies oor die NSS-eksamen, asook 'n lys van onreëlmatighede wat tydens die skryf van die eksamen mag voorkom.

5. Alle leerders en hulle ouers of voogde moet die verbintenis-ooreenkoms (**Bylae A**), voor die aanvang van die eksamen onderteken.
6. Die ondertekende verbintenis-ooreenkoms moet by die skool gehou word as deel van elke kandidaat se skoolrekord.
7. Skole moet vir elke graad 12-kandidaat 'n afskrif van die NSS-eksamenbelofte (**Bylae B**) maak.
8. 'n Vergadering van alle graad 12-leerders moet op 22 Oktober 2021 byeengeroep word as deel van hul oriëntering en voorbereiding vir die skryf van die NSS-eksamen.
9. Skole moet kandidate in kennis stel dat die ondertekening van die belofte vrywillig is en dat kandidate nie verplig sal word om die belofte te onderteken nie.
10. Tydens die prinsipaal se toespraak, moet die eksamenreëls op die agterkant van die toelatingsbrief aan die kandidate voorgelees word.
11. Die kandidate moet gevra word om die belofte hardop te lees en dan toegelaat word om dit te onderteken.
12. Waar moontlik, moet fotokopieë van die ondertekende beloftes gemaak en as deel van elke kandidaat se skoolrekord by die skool bewaar word.
13. Die oorspronklike belofte moet vir die duur van die 2021 NSS-eksamen in die besit van elke kandidaat bly.
14. Daar word aanbeveel dat die ondertekening van die belofte tot graad 10- en 11-leerders uitgebrei word om 'n eenvormige standaard in die afneem van die eksamen in die Verdere Onderwys- en Opleidingsfase te verseker.
15. Die aangehegte NSS-eksamenbelofte kan vir graad 10 en 11 aangepas word.
16. 'n Elektroniese weergawe van die pamflet, vir leerders wat die voorkoming van onreëlmatighede en die gevolge van onreëlmatighede spesifiseer, is aangeheg as Bylae C en kan aan elke leerder versprei word. Gedrukte afskrifte van die pamflet sal by alle skole afgelewer word.
17. Prinsipale word vriendelik versoek om toe te sien dat die seremonie vir die ondertekening van die belofte op 'n gepaste wyse by hulle skole uitgevoer word.

18. Die samewerking van die 2021 NSS-eksamenkandidate in hierdie verband sal hoog waardeer word.

GETEKEN: H MAHOMED

ADJUNK-DIREKTEUR-GENERAAL: KURRIKULUM- EN ASSESSERINGSBESTUUR

DATUM: 2021-10 - 04